



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Notæ In Notas Willelmi Wendrockii Ad Ludovici Montaltii  
Litteras, Et In Disquisitiones Pauli Irenæi Inustæ**

**Fabri, Honoré**

**Coloniæ, 1659**

Nota III. De Moinio & Garasso.

**urn:nbn:de:hbz:466:1-39536**

## N O T A III.

*De Moinio & Garasso.*

**A**DVERSÙS MOINIOS INFENSUM ANIMUM GERIS: for-  
tè quia MOINIUS Gallico idiomate *Monachum* sig-  
nificat; Monachos autem in Gallia, cuiuslibet insti-  
tuti religiosos, perperām licet, appellant. Quid verò  
tandem peccavit Moinius ille Jesuita? quod in carmi-  
ne elegantissimo, per leporem Poëticum, pudorem  
Virgineum, rubori, quo Cherubinorum vultus vul-  
go suffundi solent, compararit. \* Grande scelus &  
horrendum nefas. Apologista tam injustum & inane  
probrum contemptim rejicit; & uno verbo commen-  
dat ingenium, & stylum viri, quem jam contra Theo-  
logiæ Moralis famosum libellum, cum summa laude  
distrinxerat; miratur nimiam illius tolerantiam, ti-  
bi, Willelme, in Jesuitis valde suspectam. Nam qui  
tot noxia, inquis, flagitosè defendunt, quomodo ea  
non defenderent, quæ aliqua ratione defendi possunt?  
Porro fœniculum, ut os virulenta illa eluvie fœda-  
tum abstergas. Quid, amabo, Moinius hic defende-  
ret? quid enim illi opponitis? figuram Poëticam? in-  
geniosum & insons acumen? Unum ingenuè dicam,  
quod à clarissimo viro accepi, de cuius fide nullum  
mihi dubium est, triginta saltem Apologias & refu-  
tationes libellorum Regio-portuenſium à variis Je-  
suitis fuisse compositas, vetuisse tamen hactenùs eo-  
rundem Præsides, ad majorem Christianæ patientiæ  
commendationem, ne typis mandarentur. Utinam  
tandem consilium mutent! esset enim operæ pretium,  
infrunita hæreticorum ora comprimere: hoc revera  
esset, obsequium præstare Deo; cum petulantes illi

\* Pag. 302.

syco-

sycophantæ longa illa patientia abutantur; nec enim patientiâ, sed acri animadversione hoc genus dæmoniorum expellitur. Ad Garassi locum deinde transis, quem statim ipsa versione adulteras, dum sic vertis, humana personalitas, Verbi personalitati inserta est, & super ea quasi equo collocata. sic vertere debueras, personalitas hominis personalitati Verbi quasi insita, & quasi jumento imposta fuit. nempe ex surculo insito & truncō, cui inseritur, una planta evadit; truncus autem sustentat surculum; item ex homine & equo, cui insidet, & à quo fertur, fit unus eques. Sic ex persona Verbi & humanitate fit unus Christus; & licet claudicet comparatio, hoc tamen non facit, ut damnanda sit: ut enim sit unum totum, in ratione plantæ, ex truncō & surculo, qui à truncō sustentatur; & unum totum, in ratione equitis, ex homine & equo, qui hominem sustentat, ita ex Verbi persona & humanitate à Verbo sustentatâ, fit unum totum hypostaticum, id est, in ratione personæ. Quod Verbum comparetur equo, mirum vobis accidit. Sed comparatur Leoni, Gallinæ, Agno, Aquilæ, Pelicano, immò & Vermi; & ex Pauli loco, caro Christi Verbo unita, id est, ipse Christus, jumentum dicitur. Nec est, quod dicas, humanitatem, non Verbum, jumento comparari: erras mi homo, erras. humanitas Verbo unita, Christus ipse, qui Deus est, jumento comparatur, cùm sit agnus Dei, qui tollit peccata mundi, & jumentum, quod hominem faicum & semimortuum curandum ad stabulum, & curatum in cœlum tulit. Sed quæro te, Willelme, ostende parumper Nestorii hæresim in hac Garassi sententia, cum impio joco, manifestè, quamquam per imprudentiam, ut inquis, fuisse conjunctam. Nestorius duas personas in Christo agnovit: Garassus eodem, quem oppugnas, loco, disertis verbis, non ni-

si unam admittit. An ex furculo, & truncō, cui est insitus, duæ arbores fiunt? an ex homine, & equo cui insidet, duo equites evadunt? De hæresi malè, judicas. Rectè de eâ censere, hæretici profectò non est; utpotè, qui aliorum Catholica dogmata pro heterodoxis, & sua heterodoxa pro Catholicis habeat. Quid mirum? cum factus sit sicut equus & mulus, quibus non est intellectus. Et ut ab equis ad asinos, ad vos scilicet revertar, quis nescit vos esse reos, damnatos, & Vaticano fulmine tactos; doctrinam vestram hæreticam, impiam, blasphemam à supremo & legitimo judice declaratam; libros vestros multiplici Decreto confixos, & nigriore nota foedatos? Quis igitur ferat, insolentem illam proterviam, qua vobis impunè potestate arrogatis, judicandi doctrinam morum & fidei, damnandique auctores Catholicos, qui vestros errores, pro eo, quo sunt erga optimam Parentem Ecclesiam zelo refutarunt? quis unquam tām immanem arrogantiam, tām horrendam superbiam ferat?

## *In duodecimam Epistolam,*

### *N O T A L*

#### *Ignoti Scriptoris Epistola.*

**H**AUC latinè reddidisti, inquis, notarum loco. \* Scriptorem ignotum dicis, quasi alter ignotus etiam non sit. Montaltii nomen scenicum est: scena haud dubiè histriōnem decet. Quamobrem porrò Montaltium nomen suum tacuisse dicis? nonne

\* *Pag. 320.*

quia